

(مشيتي وسببيني متعلق)

كلمته كثير ومش بيرد

أول مرة مقفول

وتاني مرة مشغول

وقولت الثالثة ثابتة

ومش هرن تاني

أكيد هو نساني

رنيت المرة الأخيرة

وقبل ما يفتح بدقيقة

قولت خلاص

الوقت فات

قلبه أكيد مات
مش عارفة رنيت ليه وعاوزة ايه
بس فتح وسمعت صوته
بحسب هيقولي وحشتيني
قلبي مستنيكي
لقيته بزعل في نبرة صوته
قالي قلبي الي أنتِ محافظتيش عليه
وحبي الي أنتِ غدرتي بيه
مينفعش تيجي تاني تقولي ليه
مشيتي وسبتيني متعلق
وقانون الحب الي يسبك متجريش وراه
لو كان عايزك كان خلاك معاه

مفكرة هتيجي واقولك عودا حميدا

قلبي مفتوحلك

لا خالص تحياتي واحترامي

بالدخول لقلبي تاني

مش مسموحلك

كل اللي بينا انتهي

وأنتِ اللي نهتية

كتبِتِ النهاية بدري

واللي بينا نسيتيه

حياتنا هنكملها مع غيرنا

ماهي الحياة مبتقفش ع حد

وأنتِ خلاص وقت وعدي

وصفحتك معايا بقيت ماضي

حياتي الي كانت ملكك

دوقتي ملكيش حق فيها

روحي كملي طريقك

وعلاقتك بيا انهيا

وسلام من قلبي للي غدر بيه

واقوله متزعلش

بكرا يجيلك الي يتمني تكون ليه

وأخيراً قبل ما أقفل

حان الآن

غيرك في قلبي ياخذله مكان

قلبي مشتاق ونفسي غالبها الحنين

جيت ليكي وكلي يقين

أن قلبك قادر يسمع ويسامح

أن حبك قادر ينسي ويصافح

خليني أكمل معاك الذكريات

خليني أنسي بيك كل اللي فات

كنت معايا وخدتي بإيدي

ادتيني أمل وشجعتيني

آمنتني بحلمي وفضلتي جنبي

كامل مسيرتك يا بنت الأصول

خليك معايا وساعديني في الوصول

بس أنا كلمتك كثير ومردتش عليا
بعد كل الفترة دي جاي تفتكر حبك ليا
وزي ما أميرة ما قالت
انا قوية
وكبريائي أعظم ما فيا
هو آه العتاب جزء من المحبة
بس لما يكون في صدق بين الأحبة
قولتلك لما بنعوز شخص بنتسمك بيه
بنكون معاه ونعمل كل اللي يرضيه
بس الإهمال قادر يهدم كل اللي بنبنيه
ولا أنت ولا أنا مضطرين نكمل
ولا مجبرين لأفعال غيرنا نتحمل

ابعد وانسي والأيام قادرة كل الي بينا تمسحه

مش عارفة السنة الجاية فين هنكون

موجودين

ولا تحت التراب مدفونين

الله اعلم هتعود علينا الأيام سالمين

ولا هنكون لأحبابنا مفارقين

تمت